



Kamis, 04 Januari 2024

Ogen : Miha 2:12-13



Tuhan Sinaruhkensa



Tuhan sinaruhkensa, sada kata si mereken ketetapan ukur. La aru ate ndalani kegeluhen sabap Tuhan ikut ras kita. Kenca kita enggo pulung ras kade-kade, enggo ermeriah ukur, wari pe empatken enggo ka banci sibenai ndalani ndalani kegeluhen alu erbage bage pendahin ras aktivitasta. Lenga si eteh kai pagi si jadi si man bentasen ku lebe enda, pengarapennta tetap si mehuli. Saja, si erbahasa kita semangat dingan megegeh ndalani wari-warinta erkiteken li temannta si tiap wari ras kita e me Tuhan. Ia naruhkan kita mentasi wari-wari si mbaru.

Bangsa Israel pe ngenanami suasana si mbaru i ja ia mbaru mulih i bas peranga nari. Mulih ia ku kutana, tapi lit saja si erbahansa la akapna meriah. Lit si ngerampasi barang-barangna ras anak-anakna. Tapi, labo sinik Tuhan ngidah situasi e, erpadan IA maka ipersadaNa nge mulihken ku bas sada rarasen bangsa Dibata. Ulihi pagi bangsa e jadi sada bangsa si enterem. Ipekena-kena Tuhan taneh inganna tading seh banci mehumur ingan turah sinuan-sinuan janah biri-biri pe melala nggagat i je. E sada gambaren, la masap bangsa e. Ibereken Tuhan denga kesempatan nggeluh jadi sada bangsa, janah icukupken Tuhan kai si iperlukenna i bas kegeluhenna.

Tahun si mbaru e pe sada kesempatan si ibereken Tuhan denga man banta. Sidalani kegeluhen alu tetap erpengarapen man Tuhan. Kune lit pe pagi si erbahansa mesui ateta, subuk arah kecibal ekonomi si la erketentun, entah persoalen alam si la ngasup kita ndungisa. Tetap semangat, sibentasi alu ukur ergiah-giah, sabab Tuhan erpadan naruhkan kita mentasi tahun enda, gelah mejuah-juah. Cukupina kai siniperluken kita.